



Angq Gvaq Cieng

欢 度 春 节

Cuengq hanzgyaj lo, ndwen-cieng hix daeujdaengz lo. Daj liggaueq ngeih geij hainduj, vunzhung cungj nyaengqnyatnyat lo, baetranz, suek faengx, cwng nienzgau, cawx nienzhuq.....

Daengz ngoenzdaep gyang-haet, ranzranz cungj nem doiq, nem monzsaenz, gizgiz cungj dwg nauhnauh yiedyied. Daengz ban-haemh, daengx ranz vunz naengh

youq doxcaez gwn caeuz ndaep, yienzhaeuh naengh youh naj densi yawj vanjvei lienzvuen ndwen-cieng. Vanjvei cezmuz gig lai, miz ciengqgo, diuqfoux, siengsingh, siujbinj, cazgi daengjdaengj. Daih-gya itmienh yawj densi itmienh gwn mak gwn dangz gaet cehgva, miz gangj miz riu, angq dangqmaz.

Seizgan gvaq ndaej gig vaiq, mbouj geij nanz daengz byongh-hwnz 12 diemj cung lo, singcung bi moq roq yiengj lo. Ranzranz cungj cit bauqreng, cungj

bauqva, gizgiz cungj dwg sing bauq bibi baba, bauqva cuengq daengz gyangmbwn lumj va hai nei gyaendei raixcaix.

Singcung bi moq roq yiengj lo, raeuz coux daeuj bi moq ngoenz daih'it. Youq ndaw bi moq, gou maqmuengh daihgya bouxboux ndangcangq, gwndaenj vuenyungz, gou yaek ndeindei hagsib, guh boux hagseng ndei ndeu.

(Gveibingz Sihsanh Cin Cunghsinh Siujyoz 5 (1) ban Cwnz Cwzginh)



Mwngz Rox Dongx Vunz Lwi

你会打招呼吗

Mboujlwnh youq gizlawz, bungz daengz gij vunz swheij roxnaj haenx, cungj wngdang roxlaex gvaqbae dongx vunz.

Aeueiq bouxlaux dwg daudwz ndei conzdungj Cunghvaz minzcuz, daegbied dwg mwh bouxnom yawj-raen bouxlaux, engq wnggai cawj-doengh gvaqbae dongx camnde.

Aiq miz mbangj doengzhag gamjdaengz swheij caeueq bouxlaux neix mbouj sug geijlai, aenvih launyaenq roxnaeuz mbeiiq, ciengz-ciengz dwg ngaem gyauej byaij deuz roxnaeuz gajcang yawj mbouj raen. Hoeng, youq ndawsim bouxlaux, yienghneix guh aiq sawj gyoengqde nanzgvaq, roxnyinh swheij mbouj deng bouxnomj aeueiq.

Bingzseiz bungzdaengz vunzsug, caenciet hwnjbae dongx de, mbouj-danh dwg biuji ndiepgyaez doxnde, lij ndaej gyalag cingzgeih song vunz. Couhcinj mwngz miz saeh cingq yaek ganj bae, hix ndaej vadvad fwngz roxnaeuz ngaekngaek gyauej biuji dongx de.

Danghnaeuz youq dieg gungh-gung ciengzhab yawjraen vunzsug, lumj duzsuhgvanj, ranzyawjsaw rox-naeuz dingngaiz daengj, ndaej mbouj oksing, dayawj roxnaeuz ngaekgyaeu coh doiqfueng couh ndaej lo, neix hix dwg cungj fuengfap dongx vunz he.

(Yingh Sinh)

Gaeqlwg Benz Bo

小鸡爬坡

Gwzlijswhdinaz • Lahgyahdwz seng youq Fazgoz ranz ndawranz bouxboux cungj roxsaw miz dungxaiz he, bohmei cungj dwg daihhag gyausou. Ndaranz gyauyuz vanzging gig ndei de, sawj de baenz boux cei q ak ndaw doengz nienzgeij haenx. Daihhag bizyez le, de cix mbouj ndaej senj hwnj Bahliz Cwngci Yozyen ndaej heuh guh "yauzlanz cwngci" gyah haenx. Mbouj ndaej senj hwnj, sawj de gig doeknaiq, daxmeh gaenq duiyoh de haenx cie de ma ranz lo.

Youq aenhongh laeng ranz de, daxmeh ciengx duz gaeqmeh he ngamq faeg ok cibgeij duz gaeqlwg. Ngoenzhaenx banringz, de raen daxmeh youq henz rongzgaeq caep aen bonamh sang 1 mij, raez 10 mij he. Daxmeh mwh gueng gaeq, mbouj dwg dawz haeux cienzbouh vanq okbae, cix dwg byaij yamq he, youq gwnz dieg vanq geij naed haeux, dang gaeqlwg gwn gij haeux vanq gwnz dieg sat le, daxmeh

couh caiq byaij yamq he vanq geij naed. Gaeqlwg hainduj lij byaij saemxsaemx saxsax, menhmenh dwk, yamq din bienqbaenz mbaeumbet lo. Daxmeh laebdaeb itmienh vanq haeuxnaed, itmienh byaij hwnj gwnz bo bae, gaeqlwg hix riengz daxmeh, baez yamq baez yamq benz daengz dingjbo lo.

Mwh daxmeh guh gienh saeh neix, Lahgyahdwz hix nyaenx mbouj ndaej riengz gaeqlwg byaij hwnj bo bae. Daengz dingjbo le, de cij ngeizrwd cam daxmeh: "Vih maz mbouj dawz haeux cienzbouh vanq youq gwnz bo ne? Yienghneix couh mbaet haujlai seizgan." Daxmeh lwnh de naeuz: "Danghnaeuz dawz haeux cungj vanq youq gwnz bo, ciuq gij rengz gaeqlwg seizneix, dwg gig nanz byaij daengz dingjbo. Cijmiz baez yamq baez yamq yinx de, gyoengqde cij ndaej byaij daengz diegdaemx. Couh lumj mwngz seizneix, cingq youq giz youqgaenj ciuhvunz mwngz, mbouj ndaej aenvih itseiz mbouj swnh



couh doeknaiq, engq mbouj ndaej siengj yamq ndeu guh baenz. Cijmiz baez yamq baez yamq byaij baenaj, cijndaej saedyienh gij muzbyauh doeklaeng mwngz."

Gij vah daxmeh sawj ndawsim Lahgyahdwz sawqmwh ronghmyag. De doiq daxmeh naeuz: "Mwngz dwg lwnh gou, yaek saedyienh gij siengjmuengh hungmbwk, couh yaek saedyienh siengjmuengh iq gonq." Daxmeh yawj dwk de riu lo, ndaw da yubyab gij rongh maq-muengh.

Daj seizde hwnj, Lahgyahdwz geiqmaenh gij vah daxmeh, itcig netsaed nyinhcaen byaij baenaj, doeklaeng youq 2011 nienz, ndaej senj hwnj Gozci Hobi Gihginh Cujciz cungjaiz, baenz boux cungjaiz mehmbwk daih'it aen cujci neix. (Cangh Dazmingz)

"Bozdauh, soujgih gou baenzlawz hwnjvangi mbouj ndaej ha?" Gou ngamq byaij haeu ranz, daxbuz couh doiq gou hemq, sing hung gok dwk rwz gou yaek nuk lo. Gou dawz aen soujgih daeuj yawjyawj, youh buet bae yawj aen luyouzgi le, lwnh daxbuz aen siusik boihseiz he: Ndaranz mbouj miz saenqhauh Wi-Fi lo. Daxbuz dingq gou baenzneix gangj le gig saetmuengh.

Gwn haeuxcaeuz le, gou lij lumj bingzseiz nei hainduj sij cozyez, gou raen ndaw ranz caeueq bingzseiz mbouj ityiengh: Yienzlaiz daxboh gwn haeux le couh naengh youq gwnz sahfaez dwk youzheiq haenx, seizneix caeueq daihgya gangjgoj lo. Gangj daengz giz angq, de lij fwngz vad din dab, daeueq ndaej daxgoeng daxbuz riuhaha.

Ngoenzneix Mbouj Miz Wi-Fi

今天没有 Wi-Fi

Sawqmwh, sing gangj sing riu fwt dingz roengzdaeuj, aiq dwg daihgya raen sing daiq hung, lauhei q cauz gou sij cozyez ba. Daxmeh bingzseiz cungj yungh veihsin caeueq vunz gangjgoj haenx, naengh youq gwnz sahfaez yawj cazci lo. Gou lij dingq daxbuz naeuz, ndaw ranz mbouj miz Wi-Fi, naengh youq mbouj miz ei qsei, okbae byaijbyaij gonq. Daxgoeng ne, bingz-seiz hix dwg "bouxngaemgyaeu", baez ndaejhoengq couh gaem soujgih ngaemgyaeu yawj. Mbatneix mbouj

miz Wi-Fi lo, de mbwq lai lo. De youq ndaw ranz byaij bae byaij dauq, yaep he byaij haeu rug bae, yaep he byaij haeu ranzajcawj bae, yaep he youh naengh youq gwnz sahfaez. Doeklaeng saedcaih mbwq lai lo, daxgoeng hainduj doiq byagim ndaw gang fatngawh. Gou nyaenx mbouj youq riuhaha naeuz: "Daxgoeng, mwngz daiq ndeiri lo, mbouj couh dwg mbouj miz Wi-Fi ma, baenzlawz lumj hoenz mbouj raen nei ne." Daxgoeng riumbw dwk naeuz: "Hai, mbouj miz Wi-Fi



caen mbwq ha!"

Wi-Fi gaenq caeueq gij gwndaenj gyoengqvunz gvanhaeh maedcaed, daihgya lumjbaenz gaenq liz mbouj ndaej de lo. Mboujgvaq, gou raen ndaw ranz mbouj miz Wi-Fi cungj gamjsouh neix gig ndei!

(haj nienzgaep Cuh Bozdauh)